

2. Ho koahelamobu hore u se lahleheloe ke mongobo



Ho koahela mobu ho bolela ho ala eng kapa eng e tla etsa hore mobu o lule o le mongobo o bile o pholile sebakeng sa lijalo. Hona ho futhumetsa mobu nakong ea mariha.


Mobu o koaheloa hobaneng?

Ho koahela mobu hona le melemo e 'meli (2):

- ❖ Ke ho boloka metsi. Ho thibela mocheso oa letsatsi le moea ho nka mongobo, 'me ka tsela e joalo, lijalo li ke ke tsa noesetsoa khafetsa hobane metsi a sa lahlehe kapele, ho tloha lijalong ka botsona le mobung.


Seo lebatama la letsatsi le moea o fakang ka matla li se etsang mobung o hlobotseng

From: Production without Destruction. Natural Farming Network, Zimbabwe




- ❖ Ho koahela mobu ho etsa hore mofuthu le mohatsela oa mobu e be o lekaneng. Ho boetse ho thusa hore mobu o seke oa chesa kapa oa phola haholo, ele hore lijalo li tle li hole hantle.

Mobu o lepala-paleng



Mobu o koahetsoeng




From: Production without Destruction. Natural Farming Network, Zimbabwe

Linthla tse ling mabapi le ho koahela mobu

Mathatanyana	Tse molemo
<ul style="list-style-type: none"> ❖ Ha ho bonolo ho fumana lisebelisoa sebakeng sa ho koahela mobu ❖ Ka nako engoe, ho koahela leifo la lihoete ho ka etsa hore lihoete tseo li liehe ho hlaha ❖ Batho ba bang ba bona moo ho koahetsoeng ho le bohlasoa ❖ Ho koahela mobu ho ka baka likhofu 	<ul style="list-style-type: none"> ❖ Ho thusa hore mobu o se lahleheloe ke matsoai ❖ Ho fokotsa lehola ❖ Ho atisa likokonyana tse ntlafatsang mobu ❖ Ho thibela mobu hoba le Lek'hoko le qetellang le le thatha ❖ Ho bola hoa lisebelisoa ho eketsa matsoai mobung ❖ Ho sireletsa mobu khahlanong le marotholi a pula le ho jaleha hoa mafu a fumanehang mobung ❖ Ho fana ka bolokolohi bakh?lo ea methapo ka mobung. Hona ho etsa hore methapo e fumane lithoko tsohle ka mobung

U ka sebelisa eng ho koahelamobu?



Hangata ho sebelisoa tse latelang:

- ❖ Lithlaka, makhasi, makhapetla, joala-joalo. U SEKE oa lisebelisoa haeba li bonahala li ena le matšoao a mafu, hobane li tla tšoaetsa lijalo tsa hau, le mafu ao a tla kena mobung
- ❖ Lehola le ommeng
- ❖ Joang. Etsa bonnete ba hore o sebelisa joang bo ommeng, hobane ha bo le metsi, bo tla monya matsoai a mobung ebe lijalo ha li fumane letho.
- ❖ Majoe a sephara. Majoe oona a koahela feela ha a fane ka matsoai. A loketse lijalo tse seng li le kholo le lifate tsa litholoana.
- ❖ Likoranta. Li fana ka tšireletso hape li eketsa matsoai mobung . Fafatsa koranta ka metsi pele u koahela mobu ka eona hore e se fefoloe ke moea.

- ❖ Sebelisa joang bo ommeng kapa manyolo a seng a putile.
- ❖ Makhasi a tlhotlhorehileng lifateng.
- ❖ Mohlomo oa khale.
- ❖ Polasifiki e ntšo.

Re koahela joang?

- ❖ Khaola lisebelisoa tsa hau, haholo joang le litlama-tlama hore libe bolelele ba seatla kapa licentimitara tse leshome ho isa ho tse mashome a mabeli
- ❖ Koahela mobu ha sesane moo sethopo se hlangoeng se le seng kappa ha lijalo li sale nyenyane. Koahela ka botebo bo ka etsang bophara ba monoana
- ❖ Bakeng sa lijalo tse kholo, koahela haholo. U ka lekanya ka bophara ba menoana e 'meli ho isa ho e mararo (3-4 cm)
- ❖ Bakeng sa lifate, koahela haholo ho feta. Lekanya ka seatla kapa ho feta. (10-20 cm)



Seatla =
10 – 20 cm



Monoana =
1.5 cm



Menoana e'meli =
3 – 4 cm

Ha sesebelisoa, mohlala joang, se putile, eketsa se seng hape. U tla makatsoa ke ka moo bo putang kapele ka teng. Ho kanna ha etsahala hore joang kapa se sebelisoa se seng feela se eketsoe bonyane hangoe selemong kapa hangoe khoeling tse ling le tse ling tse tharo. Libakeng tseo ho batang haholo mariha, kothaletso ke hore se sebelisoa se koahetseng mobu se flosoe hang ha serame se lala. Lebaka ke hobane se sebelisoa seo se tla etsa hore serame se lale le ho feta.

Teko

Hopola ho etsa teko ea ntho e 'ngoe le e 'ngoe eo u qalang ho e sebelisa.

Lethathamo la teko

- ❖ Bothata ke bofe?



- ❖ Tharollo e kaba e fe?
- ❖ Hobaneng ha ekaba tharollo ea bothata boo?
- ❖ Mokhoa oo ke tla o leka joang?
- ❖ Ke tla fumana likarabo joang? Ke tlabe ke shebile eng?
- ❖ Mokhoa oa ho bekha litholoana tsa mosebetsi oo ke o fe?
- ❖ Ke tla bapisa joang teko ee le mokhoa oo ke floaetseng ho o sebelisa bohooing ba ka?
- ❖ Bontša moralo oa hau oo u tla o latela tšimong?

Lipotso tsoe u ka ipotsang tsona tekong ea ho koahela mobu

- ❖ Na u koahetse lijalo tsohle tsa hau kapa che?
- ❖ Na lijalo tse neng li koahetsoe li bile kholo le hona ho atleha ho feta tse neng li sa koaheloa?
- ❖ Na u sebelisitse metsi a fokolang lijalong tse neng li koahetsoe?
- ❖ U sebelisitse eng ho koahela mobu? E bile molemo? Kamoso u tla sebelisa eng ho koahela mobu?